



KEMENTERIAN PERDAGANGAN DALAM NEGERI
DAN KOS SARA HIDUP



BERITA

24 JAM

KPDN

KERATAN AKHBAR & BERITA ONLINE

Untuk makluman:

- | | |
|-----------------------|---------------------|
| ● YB Menteri | ● YBhg. TKSU (PPDN) |
| ● YB Timbalan Menteri | ● YBhg. TKSU (PP) |
| ● YBhg. KSU | ● Setiausaha Akhbar |

Tarikh: 7 Februari 2024



KEMENTERIAN PERDAGANGAN DALAM NEGERI
DAN KOS SARA HIDUP

KERATAN AKHBAR

KPDN



UNIT KOMUNIKASI KORPORAT

JOLOK HIDUNG DAN SEDUT

Dedah bukti kesan sampingan

Kuala Lumpur: Tabiat menghidu 'energy stick' yang mulai popular pada masa ini seolah-olah mengajak anak muda menghampiri dengan perbuatan salah laku dadah sebab ia antara kaedah dalam penyalahgunaan dadah.

Pakar Perubatan Kesihatan Awam (Kesihatan Keluarga) Universiti Kebangsaan Malaysia (UKM) Prof Madya Dr Rosnah Sultan berkata, adalah wajar sebagai ibu bapa dan masyarakat di sekeliling anak muda, bertindak menyokong Kementerian Kesihatan Malaysia (KKM) dalam mengambil tindakan kepada penjual atau sesiapa yang mempromosikan barang ala barangan terlarang itu sebelum ia berleluasa.

Menurutnya, satu talian untuk melaporkan kejadian penjualan produk itu perlu diwujudkan supaya ia dibanteras lebih awal sebelum teruk merebak.

"Pada masa sama pihak yang berwajib perlu mendedahkan bukti kesan sampingan buruk produk 'energy stick' bagi menguatkan desakan untuk membanteras aktiviti penjualan produk itu.

"Kita tidak pasti apa kandungan dalam bahan kimia yang mungkin akan merosak sel badan pada jangka masa yang panjang seperti nikotin dalam asap rokok.

"Di samping itu, peranan kita orang dewasa yang lebih matang memberikan informasi kepada anak-anak muda untuk mencegah pembelian produk itu malah wajar melaporkan jika terlihat penjualannya," katanya.

Beliau berkata, 'energy stick' yang mengetengahkan slogan 'sedut dahulu baru pergi sekolah' dan 'sedut dulu baru mula kerja' jelas adalah teknik untuk menjual barang itu di pasaran untuk meraih keuntungan tanpa memperdulikan kesan kepada pengguna dari aspek kesihatan dan risiko tingkah laku tidak bermanfaat.

Sementara itu, wakil Persatuan Ibu Bapa dan Guru (PIBG) Sekolah Seri Puteri, Cyberjaya Prof Madya Dr Adelina Asmawi berkata, timbul kebimbangan apabila produk yang dijual murah itu ditujukan terutamanya kepada murid sekolah dengan risiko ketagihan.

"Apa yang merunsingkan adalah ada juga ibu bapa yang tidak tahu akan kewujudan produk sebegini. Apabila ia menjadi satu trend dalam kalangan murid se-

kolah, pastinya ramai dalam kalangan golongan itu yang ingin mencuba dan membeli.

"Kementerian Perdagangan Dalam Negeri dan Kos Sara Hidup (KPDN) juga perlu peka produk seumpamanya yang dijual terutama menerusi jualan dalam talian.

"Produk yang bakal merosakkan kesihatan tubuh badan dan minda sepatutnya dilarang sama sekali dijual dalam kalangan murid sekolah," katanya.

Beliau yang juga Pensyarah Fakulti Pendidikan Universiti Malaya (UM) berkata, produk sedemikian tidak membantu dalam pembinaan modal insan diperlukan dalam bidang pendidikan negara.



Jangan buat pembelian panik

11 barangan kawalan musim perayaan Tahun Baharu Cina mencukupi

Oleh **ROSLINDA HASHIM**
ALOR SETAR

Pengguna diingatkan agar tidak melakukan pembelian panik barangan keperluan harian kerana bekalan mencukupi sepanjang musim perayaan Tahun Baharu Cina.

Pengarah Kementerian Perdagangan Dalam Negeri dan Kos Sara Hidup (KPDN) Kedah, Muhammad Nizam Jamaludin berkata, pihaknya memberi jaminan semua 11 barangan kawalan musim perayaan tidak mengalami ketidakcukupan bekalan di pasaran.

Menurutnya, ini termasuk bekalan gula dan minyak masak yang mana setakat ini tiada aduan diterima daripada pengguna.

"Setakat ni tiada pembelian panik, termasuk tiada aduan sorok gula atau ber-

kaitan kenaikan harga melampau.

"Bekalan barangan keperluan harian juga mencukupi," katanya dalam sidang akhbar selepas melakukan tinjauan dan pelancaran Skim Harga Maksimum Musim Perayaan (SHMMP) Tahun Baharu Cina di sebuah pusat beli-belah, di sini pada Selasa.

Muhammad Nizam turut mengingatkan peruncit agar tidak menyorok barangan kawalan terutama gula sepanjang musim perayaan dan tindakan tegas akan diambil sekiranya di-kesan berbuat demikian.

Menurutnya, untuk pelancaran SHMMP, seramai 136 anggota penguat kuasa di seluruh negeri ini akan melakukan pemeriksaan berkala.

"Antara kesalahan yang sering dilakukan, menjual barangan harga terkawal melebihi harga maksimum serta gagal letak tanda harga berwarna merah jambu bagi barangan harga terkawal," katanya.

Sementara itu, di **PULAU PINANG**, tiada isu kenaikan harga ayam dan sayur-sayuran berlaku di negeri ini sebaliknya hasil pemantauan KPDN Pulau Pinang mendapati ia dijual dengan harga berpatutan.



Muhammad Nizam (tiga dari kiri) memeriksa tanda harga pada barangan kawalan yang dijual selepas pelancaran SHMMP Tahun Baharu Cina di Alor Setar pada Selasa.

Pengarah KPDN negeri, S Jegan berkata, menerusi pemantauan dibuat pihaknya mendapati harga ayam yang dijual di pasar awam, gerai dan pasar raya di negeri antara RM8 hingga RM10 sekilogram.

Menurutnya, meskipun kerajaan menamatkan pemberian subsidi dan harga kawalan bagi ayam bermula 1 November lalu namun peniaga di negeri ini masih

menjual ayam dengan harga berpatutan.

Terdahulu, Jegan bersama anggotanya melakukan *Walkabout* Pelaksanaan SHMMP Tahun Baharu Cina di sebuah pasar raya besar di Bukit Minyak, di sini pada Selasa.

Pelaksanaan SHMMP Tahun Baharu Cina 2024 berkuat kuasa bermula 6 hingga 14 Februari ini.



KEMENTERIAN PERDAGANGAN DALAM NEGERI
DAN KOS SARA HIDUP

KERATAN AKHBAR

UMUM



UNIT KOMUNIKASI KORPORAT



Bawang merah dari Belanda yang dijual RM8.50 sekilogram di sebuah pasar di Tampoi, Johor.

(Foto Nur Aisyah Mazalan/BH)

Bawang merah China diganti bawang Belanda lebih mahal

Peniaga minta pihak berkuasa siasat elak pihak manipulasi susulan musim perayaan

Oleh Mohamed Farid Noh

farid_noh@bh.com.my

Johor Bahru: Bekalan bawang merah yang diimport dari China didakwa kekurangan di bandar raya ini susulan permintaan tinggi pengguna sejak dua minggu lalu.

Tinjauan di beberapa pasar termasuk di sekitar Perling, Tampoi dan Skudai mendapati bekalan bawang merah import dari China tidak banyak dijual penjual.

Namun, ia digantikan bawang merah dari Belanda yang dijual lebih mahal, iaitu RM8.50 sekilogram, berbanding bawang merah China hanya sekitar RM4.50 hingga RM5.50 sekilogram.

Peniaga kedai runcit di sebuah pasar basah di Tampoi, Haikal Fikri, 31, mendakwa pembekal me-

maklumkan ketiadaan bekalan bawang merah China di bandar raya ini ketika ini susulan permintaan tinggi.

"Sudah hampir dua minggu bekalan bawang merah dari China habis dijual di kedai saya begitu juga banyak kedai runcit yang lain.

"Pembekal mendakwa stok bawang merah dari China sudah kehabisan kerana permintaan yang tinggi dan mereka masih menunggu bekalan baharu tiba dari republik itu.

"Oleh sebab itu, pembekal menggantikan bekalan bawang merah China dengan bawang merah dari Belanda ketika ini, namun ia kurang digemari oleh pelanggan kerana harganya yang mahal, selain rasanya yang didakwa kurang sedap," katanya.

Semalam, Menteri Pertanian dan Keterjaminan Makanan, Datuk Seri Mohamad Sabu dilaporkan berkata, bekalan bawang dalam negara masih mencukupi meskipun India melarang eksport bekalan itu sehingga Mac.

Mohamad dilaporkan berkata, pada masa sama, kerajaan turut mendapatkan bekalan bawang dari China, Thailand

dan Pakistan.

Minta pihak berkuasa pantau

Dalam pada itu, peniaga kedai runcit yang hanya mahu dikenali sebagai Hashim, 42, berharap pihak berkuasa memeriksa dakwaan pembekal yang menyatakan bekalan bawang merah China mengalami kekurangan di sebalik jaminan diberi kerajaan.

"Agak pelik juga bekalan bawang merah China yang harganya murah tiba-tiba didakwa bekalan tidak cukup dan digantikan pula dengan bawang merah Belanda yang lebih mahal.

"Sebelum ini tiada isu kekurangan bekalan bawang merah China selepas kita berhadapan kekurangan bawang merah India yang dilarang import oleh negara berkenaan.

"Diharap pihak berkuasa memantau perkara ini supaya tidak ada manipulasi berikutan hampir musim perayaan," katanya.

Pengguna, Hasnita Awang, 45, berkata harga bawang merah Belanda yang lebih mahal berbanding bawang merah China, menyebabkan pengguna yang tiada pilihan berasa terbeban.

Petrol, diesel Malaysia 'bersepah' dijual di selatan Thailand

Oleh AIMUNI TUAN LAH
utusannews@mediamula.com.my

NARATHIWAT: Bekalan minyak petrol dan diesel bersubsidi yang diseludup dari Malaysia dijual secara terbuka di tepi jalan, hadapan kedai dan rumah penduduk di wilayah selatan Thailand di sini.

Tinjauan *Utusan Malaysia* mendapati, minyak petrol bersubsidi yang dipercayai dibawa masuk secara haram dari Kelantan itu diisi di dalam tong atau botol air mineral sebelum dijual kepada penduduk Thailand.

Selain itu, dianggarkan hampir 100 lokasi menjual petrol seludup yang diisi dalam botol dapat dilihat sepanjang jalan bermula dari kawasan Buketa, Rueso, Waeng dan Sukhirin.

Seorang peniaga yang dikenali sebagai Eda, 26, berkata, dia mendapat bekalan minyak yang diseludup dari Malaysia daripada pemborong warga Thailand.

Katanya, minyak berkenaan dibawa dari seberang melalui Sungai Golok dan Pekan Munding.

"Minyak petrol dan diesel dari Malaysia menjadi pilihan kerana harganya yang lebih murah berbanding minyak Thailand," katanya.

Eda memberitahu, harga minyak petrol Thailand dijual lebih iaitu kira-kira 35 hingga 38 bath seliter (RM4.66 hingga RM5.06).

Katanya, dia membeli petrol daripada pemborong pada harga 650 bath hingga 730 bath (RM86.52 hingga RM97.17) untuk 30 liter.

"Bekalan bahan bakar dari Malaysia sudah sehati dengan kehidupan penduduk di ka-



MINYAK petrol seludup dari Malaysia dijual di tepi jalan di kebanyakan kawasan di Sukhirin, Narathiwat, Thailand.

wasan selatan Thailand. Selain untuk kenderaan atau motosikal, minyak berkenaan juga digunakan untuk menghidupkan mesin bagi kerja-kerja pertanian," katanya.

Seorang penduduk, Husin Che Roni, 55, berkata, minyak petrol Malaysia menjadi pilihan kerana harganya lebih murah dan mudah didapati di kawasan kampung mereka.

Katanya, stesen minyak hanya berada di kawasan bandar dan mereka terpaksa memilih untuk membeli minyak yang disediakan di dalam botol yang dijual di tepi jalan.

Penjualan minyak diesel berleluasa di sempadan selatan Thailand

Petrol subsidi 'bersepah' tepi jalan

Oleh AIMUNI TUAN LAH

NARATHIWAT – Bekalan minyak petrol dan diesel bersubsidi yang diseludup dari Malaysia dikesan dijual secara terbuka di tepi jalan, hadapan kedai dan rumah penduduk di wilayah Selatan Thailand di sini.

Tinjauan Kosmo! mendapati, minyak petrol bersubsidi yang dipercayai dibawa masuk secara haram dari Kelantan itu diisi di dalam tong atau botol air mineral sebelum dijual kepada penduduk Thailand.

Selain itu, dianggarkan hampir 100 lokasi menjual petrol seludup yang diisi dalam botol dapat dilihat sepanjang jalan bermula dari kawasan Buketa, Rueso, Waeng dan Sukhirin.

Seorang peniaga yang dikenali sebagai Eda, 26, berkata, dia mendapat bekalan minyak yang diseludup dari Malaysia daripada pemborong warga Thailand.

Katanya, minyak berkenaan dibawa dari seberang melalui Sungai Golok dan Pekan Munding.



MINYAK petrol Malaysia dijual di tepi jalan di kebanyakan kawasan di Sukhirin, Narathiwat. – AIMUNI TUAN LAH

"Minyak petrol dan diesel dari Malaysia menjadi pilihan kerana harganya yang lebih murah ber-

banding minyak Thailand.

"Harga bagi seliter minyak petrol Malaysia yang dijual ketika

ini ialah 25 bath atau RM3.33 dan diesel 22 bath atau RM2.93," katanya.

Eda memberitahu, harga minyak petrol Thailand dijual lebih iaitu kira-kira 35 hingga 38 bath seliter (RM4.66 hingga RM5.06).

Katanya, dia akan membeli petrol daripada pemborong pada harga 650 bath hingga 730 bath (RM86.52 hingga RM97.17) untuk 30 liter.

"Bekalan bahan bakar dari Malaysia sudah sebatian dengan kehidupan penduduk di kawasan selatan Thailand.

"Selain untuk kenderaan atau motosikal, minyak berkenaan juga digunakan untuk menghidupkan mesin bagi kerja-kerja pertanian," katanya.

Seorang penduduk, Husin Che Roni, 55, berkata, minyak petrol Malaysia menjadi pilihan kerana harganya lebih murah dan mudah didapati di kawasan kampung mereka.

Katanya, stesen minyak hanya berada di kawasan bandar dan mereka terpaksa memilih untuk membeli minyak yang disediakan di dalam botol yang dijual di tepi jalan.



KEMENTERIAN PERDAGANGAN DALAM NEGERI
DAN KOS SARA HIDUP

BERITA ONLINE

KPDN



UNIT KOMUNIKASI KORPORAT

BERITA ONLINE BERTARIKH 7 FEBRUARI 2024

TARIKH	TAJUK	PAUTAN	MEDIA
7-Feb	Harga ayam segar di KL stabil, tiada aduan kenaikan harga diterima KPDN	https://www.hmetro.com.my/mutakhir/2024/02/1058178/harga-ayam-segar-di-kl-stabil-tiada-aduan-kenaikan-harga-diterima-kpdn	HARIAN METRO
7-Feb	Harga ayam kekal stabil di Pulau Pinang – KPDN	https://malaysiagazette.com/2024/02/06/harga-ayam-kekal-stabil-di-pulau-pinang-kpdn/	MALAYSIA GAZETTE
7-Feb	Tiada isu kenaikan harga ayam, sayur di Pulau Pinang	https://www.sinarharian.com.my/article/648185/edisi/utara/tiada-isu-kenaikan-harga-ayam-sayur-di-pulau-pinang	SINAR HARIAN
7-Feb	KPDN cari solusi isu tiada stesen minyak di Teluk Kumbar	https://malaysiagazette.com/2024/02/06/kpdn-cari-solusi-isu-tiada-stesen-minyak-di-teluk-kumbar/	MALAYSIA GAZETTE
7-Feb	KPDN cari solusi isu tiada stesen minyak di Teluk Kumbar	https://www.malay.news/kpdn-cari-solusi-isu-tiada-stesen-minyak-di-teluk-kumbar/	MALAY NEWS
7-Feb	KPDN nafi rampas petrol di Teluk Kumbar	https://www.sinarharian.com.my/article/648197/berita/semasa/kpdn-nafi-rampas-petrol-di-teluk-kumbar	SINAR HARIAN
7-Feb	SHMMP Tahun Baharu Cina: 276 penguat kuasa KPDN digerakkan di Selangor	https://www.astroawani.com/berita-malaysia/shmmp-tahun-baharu-cina-276-penguat-kuasa-kpdn-digerakkan-di-selangor-457069	ASTRO AWANI
7-Feb	SKIM HARGA MAKSIMUM MUSIM PERAYAAN TAHUN BARU CINA 2024	https://www.mkn.gov.my/web/ms/2024/02/06/skim-harga-maksimum-musim-perayaan-tahun-baru-cina-2024/	MAJLIS KESELAMATAN NEGARA

7-Feb	11 items listed under price control scheme for Chinese New Year	https://dayakdaily.com/11-items-listed-under-price-control-scheme-for-chinese-new-year/	DAYAK DAILY
7-Feb	Jualan murah barangan asas di tiga lokasi pagi ini, tawar produk berkualiti	https://selangorkini.my/2024/02/jualan-murah-barangan-asas-di-tiga-lokasi-pagi-ini-tawar-produk-berkualiti/	SELANGOR KINI
7-Feb	Jam Tahan Lasak Rosak, Pembeli Dapat Semula Tuntutan	https://sumberkini.my/jam-tahan-lasak-rosak-pembeli-dapat-semula-tuntutan/	SUMBER KINI
7-Feb	KPDN Pulau Pinang arah aktiviti jual petrol dalam botol dihentikan	https://www.utusan.com.my/nasional/2024/02/kpdn-pulau-pinang-arrah-aktiviti-jual-petrol-dalam-botol-dihentikan/	UTUSAN MALAYSIA
7-Feb	KPDN Pulau Pinang beri amaran peniaga jual minyak petrol dalam botol	https://thesun.my/cerita/kpdn-pulau-pinang-beri-amaran-peniaga-jual-minyak-petrol-dalam-botol-JF12069990	THE SUN
7-Feb	KPDN Pulau Pinang beri amaran peniaga jual minyak petrol dalam botol	https://www.astroawani.com/berita-malaysia/kpdn-pulau-pinang-beri-amaran-peniaga-jual-minyak-petrol-dalam-botol-457144	ASTRO AWANI
7-Feb	KPDN nafi rampas petrol dijual dalam botol minuman di Teluk Kumbar	https://www.hmetro.com.my/mutakhir/2024/02/1058231/kpdn-nafi-rampas-petrol-dijual-dalam-botol-minuman-di-teluk-kumbar	HARIAN METRO
7-Feb	Jangan sorok gula semasa Tahun Baharu Cina - KPDN Kedah	https://www.astroawani.com/berita-malaysia/jangan-sorok-gula-semasa-tahun-baharu-cina-kpdn-kedah-457143	ASTRO AWANI
7-Feb	KPDN Kedah: Jangan sorok gula semasa Tahun Baharu Cina	https://thesun.my/cerita/kpdn-kedah-jangan-sorok-gula-semasa-tahun-baharu-cina-IE12070091	THE SUN
7-Feb	Tiada kes peniaga sorok gula tahun ini	https://www.kosmo.com.my/2024/02/06/tiada-kes-peniaga-sorok-gula-tahun-ini/	KOSMO

7-Feb	Sorok gula dan minyak masak paket, KPDN Kedah laung amaran kepada peniaga	https://berita.rtm.gov.my/nasional/senarai-berita-nasional/senarai-artikel/sorok-gula-dan-minyak-masak-paket-kpdn-kedah-laung-amaran-kepada-peniaga	BERITA RTM
7-Feb	KPDN rampas 42,000 liter diesel bersubsidi cuba diseleweng	https://www.buletintv3.my/jenayah/kpdn-rampas-42000-liter-diesel-bersubsidi-cuba-diseleweng/	BULETIN TV3
7-Feb	Rampas 42,000 liter diesel subsidi di stor haram	https://www.utusan.com.my/nasional/2024/02/rampas-42000-liter-diesel-subsidi-di-stor-haram/	UTUSAN MALAYSIA
7-Feb	Peniaga bukan Melayu ramai tawar Menu Rahmah, namun tak daftar KPDN	https://www.kosmo.com.my/2024/02/06/peniaga-bukan-melayu-ramai-tawar-menu-rahmah-namun-tak-daftar-kpdn/	KOSMO
7-Feb	KPDN Sarawak gerakan hampir 200 pegawai dan pemantau harga sempena SHMMP TBC	https://berita.rtm.gov.my/nasional/senarai-berita-nasional/senarai-artikel/kpdn-sarawak-gerakan-hampir-200-pegawai-dan-pemantau-harga-sempera-shmmp-tbc	BERITA RTM
7-Feb	KPDN Melaka tingkat operasi penguatkuasaan sepanjang TMM 2024	https://thesun.my/cerita/kpdn-melaka-tingkat-operasi-penguatkuasaan-sepanjang-tmm-2024-KF12069113	THE SUN
7-Feb	KPDN KL puas hati tahap kepatuhan peniaga	https://berita.rtm.gov.my/nasional/senarai-berita-nasional/senarai-artikel/kpdn-kl-puas-hati-tahap-kepatuhan-peniaga	BERITA RTM
7-Feb	11 food items listed as price controlled products for Chinese New Year	https://www.theborneopost.com/2024/02/06/11-food-items-listed-as-price-controlled-products-for-chinese-new-year/	THE BORNEO POST
7-Feb	11 barangan di bawah skim harga kawalan Tahun Baharu Cina	https://suarasarawak.my/11-barangan-di-bawah-skim-harga-kawalan-tahun-baharu-cina/	SUARA SARAWAK